

SAKSPROTOKOLL I SUOHKANSTIVRA - 15.06.2017

Suohkanstivrra meannudeapmi:

Áirras Isak Mathis O. Hætta (GDL) guđii čoahkkima lobihága suohkanstivrra njuolggadusaid ektui (§ 5, čuo. h). Sátnejodiheaddji markerii ahte dát rihkku njuolggadusaid.

Klemet Erland Hætta (SÁL) evttohus:

Guovdageainnu suohkan vuorjašuvvá go boazosápmelaččat masset olu misiid goaskimii, sihke gonagasgoaskimii ja mearragoaskimii.

Váldoealáhus Guovdageainnu suohkanis lea boazodoallu, sihke bargguiduhttimis ja ekonomabeliin. Boazodoallu Oarje-Finnmárkkus lea lokaliserejuvvon Guovdageainnu suohkanii dálvet, geasseguohtun lea Romssa ja Finnmárkku mearragáttiin, ruovttusuohkan lea Guovdageainnu suohkan. Stuora massimat boazodoalus buktet negatiiva váikkuhusaid Guovdageainnu suohkanii.

Suohkanstivra Guovdageainnu suohkanis dáhttu ahte vásttolaš eiseválddit bidjet johtui doaibmabijuid maiguin redusere bohccuidmassimiid goaskimii. Dat ii leat dohkkehahte ahte boazodolliid dienas, miesit, galgá biebmat goaskimiid.

Boazodoalus leat olu hástalusat, ja go goaskimat váldet misiid daguha dat dárbbášmeahttun nođiid boazodolliide ja sin bearrašiidda. Guovdageainnu suohkan lea oaidnát máŋga surgadis dokumentašuvvna sosiála mediain mat čájehit mot goaskin goddá misiid. Orro dego ahte goaskinnáli badjel ii leat kontrolla, ja dat áidna vejolašvuohta mii lea, lea jođáneamos lági mielde bidjat johtui doaibmabijuid mat eastadit miessemassimiid. Goaskinnáli hálddašeapmi ii oro leamen dan mielde maid boazodoallit vásihit beaivválaččat ealu ektui. Dan dihte ferte vásáhus- ja árbemáhttu bargojuvvot sisa goaskinnáli beaivválaš hálddašeapmái.

Guovdageainnu suohkan vuordá ahte vásttolaš eiseválddit čuovvulit áššálaččat ja vuđolaččat buot dieđuid mat bohtet miessemassimiid birra, ja mot dát čuhcet boazodollui. Suohkan bohtá áinnas čoahkkimiidda eisseváldin goaskinproblematihkka birra.

Klemet Erland Hætta (SÁB) evttohus dohkkehuvvui ovttajienalaččat.

Suohkanstivrra mearrádus, ovttajien:

Guovdageainnu suohkan vuorjašuvvá go boazosápmelaččat masset olu misiid goaskimii, sihke gonagasgoaskimii ja mearragoaskimii.

Váldoealáhus Guovdageainnu suohkanis lea boazodoallu, sihke bargguiduhttimis ja ekonomabeliin. Boazodoallu Oarje-Finnmárkkus lea lokaliserejuvvon Guovdageainnu suohkanii dálvet, geasseguohtun lea Romssa ja Finnmárkku mearragáttiin, ruovttusuohkan lea Guovdageainnu suohkan. Stuora massimat boazodoalus buktet negatiiva váikkuhusaid Guovdageainnu suohkanii.

Suohkanstivra Guovdageainnu suohkanis dáhttu ahte vásttolaš eiseválddit bidjet johtui doaibmajuid maiguin redusere bohccuidmassimiid goaskimii. Dat ii leat dohkkehahte ahte boazodolliid dienas, miesit, galgá biebmat goaskimiid.

Boazodoalus leat olu hástalusat, ja go goaskimat váldet misiid daguha dat dárbbasmeahttun nođiid boazodolliide ja sin bearrašiidda. Guovdageainnu suohkan lea oaidnát mánga surgadis dokumentašuvnna sosiála mediain mat čájehit mot goaskin goddá misiid. Orro dego ahte goaskinnáli badjel ii leat kontrolla, ja dat áidna vejolašvuohta mii lea, lea jođáneamos lági mielde bidjat johtui doaibmajuid mat eastadit miessemassimiid. Goaskinnáli hálddašeapmi ii oro leamen dan mielde maid boazodoallit vásihit beaivválaččat ealu ektui. Dan dihte ferte vásáhus- ja árbemáhttu bargojuvvot sisa goaskinnáli beaivválaš hálddašeapmái.

Guovdageainnu suohkan vuordá ahte vásttolaš eiseválddit čuovvulit áššálaččat ja vuđolaččat buot dieđuid mat bohtet miessemassimiid birra, ja mot dát čuhcet boazodollui. Suohkan boahtá áinnas čoahkkimiidda eisseváldin goaskinproblematihkka birra.